

Bainvegni en la Biblioteca chantunala dal Grischun!

Ultra d'ina purschida da medias multifara purschain nus spazi per lavurar en moda concentrada e quieta, per leger e per emprender en moda cooperativa. Per pudair garantir in'atmosfera agreabla, supplitgain nus da resguardar il suandant Urden da chasa.

Disposiziuns generalas

Intent e champ d'applicaziun

L'utilisaziun da la Biblioteca chantunala sa drizza tenor l'Urden da diever dals 19 da matg 2009, ch'è vegnì relaschà da la Regenza sin basa da l'art. 45 al. 1 da la Constituziun chantunala.

Per cumplettar il «Urden da diever da la biblioteca chantunala dal Grischun» regla quest Urden da chasa il cumportament en las localitads da la Biblioteca chantunala.

Access & segiurn

Cumportament en la biblioteca

Prender resguard in da l'auter è la premissa per in segiurn agreabel e senza disturbis. Segirezza, urden e nettezza èn da mantegnair da tut temp. Disturbis, periclitaziuns e donns materials da tut gener èn da tralaschar.

Plazs d'emprender e da lavur

Ils plazs d'emprender e da lavur pon vegnir utilisads senza carta da biblioteca durant las uras d'avertura servidas. Durant las uras da l'open library dovri ina carta da biblioteca per l'access a la Biblioteca chantunala.

- I n'è betg pussaivel da reservar plazs da lavur.
- La sala da lectura stat a disposiziun a las utilisadras ed als utilisaders per lavurs quietas.
- En la partiziun a liber access èsi permiss da discutir da bass.
- Igl è scumandà da telefonar en la partiziun a liber access.

Open Library

Durant las uras da l'open library n'è nagin personal da biblioteca al lieu, l'access a la biblioteca è pussaivel cun ina carta da biblioteca valaivla.

L'utilisaziun ha lieu cun renconuscher la videosurveglianza. Indicaziuns en chausa ed ulteriuras infurmaziuns chattais Vus en il reglament «Open library» e sin nossa pagina d'internet.

Ulteriuras disposiziuns

- Spaisas dastgan vegnir consumadas mo en la cafeteria e sin la terrassa.
- En l'entir edifizii vala in scumond da fimar (products da tut gener) ed in scumond d'alcohol.
- Il consum dad ed il commerzi cun drogas u cun substanzas scumandadas èn scumandads e vegnan denunziads.
- I n'è betg permiss da seser sin las stgalas.
- Animals da chasa n'èn betg permiss en la biblioteca. Exceptads da quai èn chauns d'assistenza scolads.
- L'utilisaziun d'urdains sumegliants a vehichels (p.ex. trottinets, skateboards) n'è betg permissa en la biblioteca.

Utilisaziun da las medias & emprest

Emprest e restituziun da medias

Per emprestar medias sco er per empustar medias dal magazin dovri ina carta da biblioteca valaivla.

Las medias en la partiziun a liber access pon vegnir consultadas al lieu senza carta da biblioteca.

Las infurmaziuns d'emprest, d'admoniziun e da taxas èn nudadas en il «Urden da diever da la Biblioteca chantunala dal Grischun» e sin www.kbg.gr.ch.

Utilisaziun da medias electronicas

Las medias electronicas da la purschida da la Biblioteca chantunala pon vegnir consultadas al lieu en la biblioteca. Ad intginas purschidas electronicas èsi pussaivel d'acceder cun ina carta da biblioteca valaivla er ordaifer la biblioteca.

Execuziun, sancziuns & feedback

L'utilisaziun è suttamessa a disposiziuns giuridicas da licenza e da dretg d'autur. Las utilisadras ed ils utilisaders ston observar questas obligaziuns.

Sch'i vegn suspectà in abus, ha il persunal da biblioteca il dretg da prender mesiras da controlla e da scumandar l'utilisaziun.

Utilisaziun da meds d'informatica e da WLAN

Ils meds d'informatica (apparats e programs) che stattan a disposiziun en la partiziun a liber access ston vegnir utilisads conform a l'intent e conform a la lescha. Scumandadas èn en spezial la vista, l'elavuraziun, l'arcunaziun u la transmissiun da datotecas cun in cuntegn illegal u immoral. La responsabladad per utilizar, per proteger e per segirar las datas è chausa da las utilisadras e dals utilisaders.

WLAN stat a disposiziun gratuitamain. La funcziunalitad generala u ina rata da datas minimala na po betg vegnir garantida.

Infrastructura & equipament

Chaschas da bagascha

Chaschas da bagascha stattan a disposiziun gratuitamain e ston vegnir svidadas la saira. En cas da basegn pon chaschas da bagascha vegnir prendidas en locaziun per in temp pli lung.

Per objects pers u engulads na vegn surpigliada nagina responsabladad.

Objects chattads

Objects chattads ston vegnir consegnads al spurtegl d'infurmaziun. Perdidas pon vegnir annunziadas là. Objects che na vegnan betg retratgs, vegnan dismiss suenter in mais.

Controllas

Il persunal da biblioteca è autorisà da far controllas areguard las disposiziuns numnadas en quest «Urden da chasa».

Scumond d'entrar en chasa

Persunas che impedeschan il manaschi da biblioteca u che cuntrafan repetidamain a las disposiziuns, pon vegnir exclusas tras la direcziun da la biblioteca per in temp limità u illimità.

Laud, critica e propostas

Nus vulain ans sviluppar vinavant ed ans legrain da reacziuns constructivas. Ans communitgai Voss giavisch persunalmain al spurtegl d'infurmaziun, utilisai nossa chascha da brevs da feedback u ans scrivai ad info@kbg.gr.ch.

Uras d'avertura

	servida	Open Library
glindesdi-venderdi	09.00–17.30	07.00–09.00 17.30–22.00
sonda	09.00–16.00	07.00–09.00 16.00–22.00
dumengia		07.00–22.00

Biblioteca chantunala dal Grischun


Karlihofplatz
7001 Cuir

081 257 28 28
www.kbg.gr.ch
info@kbg.gr.ch



Amt für Kultur
Uffizi da cultura
Ufficio della cultura

Urden da chasa



bibliotheken graubünden **Kantonsbibliothek**
bibliotecas grischun **Biblioteca chantunala**
biblioteche grigioni **Biblioteca cantonale**